

大代誌 林玉鳳

烏仔放送大代誌

魚仔聽--著哭歸暝

講是水底有鱷魚

蚶仔聽--著 bē 喘氣

毛蟹聽--著走去匿

水雞聽--著軟腳腿

*認識生物/講笑談/輕聲

白鴿鷺 吳秀麗

白鴿鷺 白鴿鷺

遊山玩水隨在伊

領頸長長腳細枝

無煩無惱笑眯眯

嘴仔尖尖頭 khi-khi

白鴿鷺 白鴿鷺

身穿白衫愛清氣

可愛 ê 白鴿鷺

招伴 chhit-thô 唸歌詩

*白鴿鷺 & 牛 台灣 ê Symbol(意象)

四季風 林玉鳳

春風吹，蝶仔著四界飛。

秋風吹，上 súi 是菊仔花。

南風吹，菜園著生菜瓜。

北風吹，pû 蕃薯閣講笑談。

*四季無仝 ê 農村景緻&生物

腸病毒

衛生習慣愛遵守
Beh 食物件先洗手
雙手若是無清氣
Beh 食物件愛注意

吃歹腹肚真費氣
發燒、紅疹、漏屎吐 bē 離
公共場所 mại tiāⁿ 去
腸病毒才 bē kā 咱膏膏纏

網 kha

網 kha 網 kha

網著叨一跤

網著正跤抑倒跤

原來是網著兩支跤

**21世紀 資訊 E世代 社會文化*

粉鳥仔 張復聚

粉鳥仔 粉粉粉

目睷 圓 kùn-kùn

嘴 pe 尖啄啄

頭殼 tēng khok-khok,

身軀 肥 tng-tng

才會走 bē 開跤

一寡仔錢仔

開到乾乾乾

翅股 硬鋼鋼

兩支腳骨 khiā 穩穩

看著 súi-bùn-bùn

害我看到 chōaiN 著領仔頸